

阿耨末訶菩薩經

籍

第二

百一
周二

47776




元祿九年丙子二月日重脩

皇國聖業 帝漸銀昌

佛日增輝 慧輪常轉

山城州天安寺法金剛院置



阿差末菩薩經卷第二

西晉三藏竺法護譯

周

阿差末菩薩謂舍利弗發菩薩心永無窮盡
所以者何不文飭故亦不諭諂其心質直故
曰殊特不為綺辭用清淨故平正無邪其心
柔軟而無麤穢篤信真要未曾變改所立堅
強而無動轉正住不搖無能憎嫉而嫉害者
以何等故無能嫉者其行治業莫能逮故有
所建立無能誹者所以莫能譏謗者何敢所
興造無根原故所以無根用忠正故所言至
誠終無有異有所興功無所惴望不求名稱
為眾所嘆咸共戴仰無能得短所以無能得

其短者有所造作長安隱故所以自致永安
隱何所興功德無懈倦故所以不厭用愍一
切衆生之故所以愍念衆生者何用無極慈
爲懈倦者而興精進所以者何欲以養育衆
生之故所以養育衆生者何由斯之便成功
德故所修効力不希望福所以無求其心淨
故皆蒙法恩故無所求人亦有力何謂爲力
曰是佛力以是之義護一切故所以護之欲
令群黎各得其所所以欲令各得其所者使
無恨故所以無恨所作事業極安諦故所以
諦者由是之故無能制止無能諫抑令止寂
然猶若紫金而無沾汙所以喻之如紫金色

以無有穢所以無穢用本淨故所以爲淨行
本去穢故所以去穢內以淨故所以消瑕瑕
盡之故由是清淨阿差末謂舍利弗心以淨
者貪欲轉消其無貪欲是不可盡其諸惡心
不能復亂又其心明護於惡意由是之故曰
不可盡其心瞋怒有所衆貪汲汲于欲負高
自大諸所不可皆悉盡索將爲菩薩常護是
心當曉是心而不可盡捨無瞻勢及諸垢濁
當達是心不令懈怠則知其心爲不可盡若
憤亂者隨時將護其無智者養育使成於一
切衆生有功德法無功德法咸欲度脫至于
大安則知其心而不可盡訓誨一切衆生之

等諸在厄難皆令興立無極功德則知是心
永不可盡阿差末菩薩謂舍利弗菩薩所習
亦不可盡所以者何用所布施故不可盡諸
可惠與是名曰習施度無極於一切物多少
取足不以汲汲是則名曰戒度無極一切有
媿於菩薩身不起瞋心如毛髮者是則曰習
忍度無極所積功德常在衆前而不在後是
則曰習進度無極一切所學悉勤用心是則
曰習寂度無極諸所聽聞悉欲博達是則曰
習智度無極菩薩當學修于大慈何謂大慈
若有厄難來自歸者欲求救濟寧亡身命不
負要誓是則習慈其行哀者等猶如稱若有

加益不以忻悅設誹謗者不以憂感是爲菩薩隨時等哀菩薩所學則以三事淨身口心終不傳惡未曾念邪愚戇之業菩薩雖學獨步無師亦不自大其所學意不捨普智諸通敏慧攬諸佛法菩薩之業在人所求不逆其心無所短乏致一切法而得自在又習悔過身之罪惡未曾藏匿用無量福勸助功德菩薩修學讚勸諸佛班宣道義奉習勲學正士之法以能學此正士之法欲成學故其心堅固不捨弔誓無極德鎧所以不捨欲化一切衆生之故阿差末菩薩謂舍利弗菩薩有四爲不可盡何謂爲四一曰闡示衆心二曰法

施三曰訓誨衆生四曰積功累德是爲四復
有四一曰習在閑居山巖獨處有施多少趣
足而已二曰於衆功德而無馱足三曰博學
不倦四曰所願智慧不以爲勞是爲四復有
四一曰校計規度二曰思惟本末三曰智慮
通達四曰所念普具是爲四復有四一曰離
于衆惡而修上脫二曰其上脫者是菩薩教
三曰解諸惡本四曰念于微妙無上之脫是
爲四復有四事一曰解於五陰二曰曉於四
大地水火風三曰了六衰之原四曰其所覩
見十二因緣無有邊際是爲四復有四事一
曰生死無常之語而不可盡二曰苦痛之教

三曰無吾我訓四曰寂寞無爲之業亦不可
盡是爲四阿差末謂舍利弗舉要言之諸菩
薩學皆近佛道以是之故分別道俗悉不可
盡阿差末菩薩謂舍利弗菩薩修行心不可
盡所以者何於衆功德而不懈怠從次轉上
成就其處所云處者菩薩十地其所修行猶
如大海所苞無馱所以然者多所救度一切
衆生其所修行則爲元首所以然者出其上
故修行最上所可摠攬諸在下者令修專行
一切法故持衆善本所以者何用最尊故所
以修度因則受決皆由專精用不退故自致
具足因其專精所願轉成以成大願其所修

行永無所恃則是定意依修柔輒所造行者
而不缺漏修行伏意是其道業修行自守所
以者何以不復與衆惡從事故專精布施菩
薩不以身心有所貪愛轉增上故專精奉戒
亦爲甚難所以者何教犯戒者使不爲憂故
專精忍辱亦爲甚難所以者何雖在尊立財
富極樂不輕貧賤羸劣弱者是爲忍辱所也
專行精進難及坐佛樹下若有人來言起避
去我坐其處先取佛道即捨與處是爲精進
專精禪思難所以難者莫能及逮所修專精
輒能成辦無所希望故是曰禪思專智慧難
所以者何積衆功德不以煩勞是爲智慧出

入行步安詳和雅威儀備悉所以者何其功
祚強無能危者修無所畏曉了深法鈎懸致
遠故奉修尊心所以者何其明極微無不達
故行不可盡所以者何所任堅固何謂專精
其意坦然常念一切無所依者令得其依若
有闇冥使覩道明無所歸者悉受其歸其無
善友為之善友其諭諂者令修質朴見其麤
穢顯示忍辱柔軟和雅所以者何以德化故
在詭譎中而為列露真正之義於校飾中不
為綺大在無反復行報恩德在眾惡處而修
善行在廢退處奉修德祚在欺慢處常行恭
恪在貢高處不懷自大在求便處無能得短

不念人惡不宣缺漏若在不正輒往將護使
入正諦一切衆生皆來到所見之忻然無瞋
恚心其諫喻者示進退宜當然不然心不增
減篤信禍福所作歸身若在曠野山居巖處
如法無異不貪利害不惜身命心淨之故初
不增減常護其口不妄傳語不求奉敬所以
者何恒知節限止足而已其心柔和不隨弊
惡失禮義者有功德故度於生死息苦之患
所以者何由是之故菩薩慧意永不可盡生
死徃反亦不可盡以權方便明了隨時訓誨
衆生迷於終始不可盡者使求佛道亦不可
盡舍利弗問阿差末言乃有異不可盡乎阿

差末言有所問何是阿差末曰菩薩布施復不可盡所以者何六度無極不可盡故菩薩布施悉無有限所謂限者某是某非當施與某不施與甲施不普濟不應爲施與也舍利弗問言菩薩之法當云何施阿差末曰飢者食之所以者何人依衣食乃得存命便能蘇息坐起言語則爲安隱身體康寧氣力強盛渴者施漿除其消渴所以者何若在後世周旋生死常不渴乏有求車者輒隨意與由是之報後所生處神足飛行在所至到其無衣者因施與之後世所生便不扞突常抱慙愧若於冥處施之燈火則得道眼通見十方若於

世尊師父寺舍二親長老前而作倡伎以娛
樂之後世所生得道耳聽徹聞無極若無香
者則施與之後世所生逮致戒香慧定解度
知見品香是身為被德勲之香若復有求雜
香名勲即與所好後世所生身體香潔莫不
悅豫所有甘美殊異之味人來求者輒從意
與後世所生常得餽饌若不甘者入口即美
宿世所植而得是相其無手巾因施與之後
世所生清淨無垢為人所護其無護者為之
將護猶若屋室所以喻室覆蓋人故隨其所
乏而施與之後世所生悉獲所當尋得周急
病與醫藥後世所生身常無病不生不死無

有衆患恒獲安隱一切備足靡所不至其無
僕使給與奴婢後世所生自然具足万乘帝
主制上御下無所乏少其求衆寶則能與之
後世所生備悉成就三十有二大人之相布
施雜物若干種品後世所生得八十種衆好
之姿象馬施者後得大乘無極之意以田施
與因得具足寂度無極妻子施與惠所珍愛
後無異心當得佛道所以者何佛者極上尊
無疇匹假使有人從其菩薩求滿倉穀即能
與之未曾貪恡後逮法藏充備道慧無所匱
乏菩薩設得爲轉輪王主四天下七寶盈滿
若有來求而不愛惜輒能盡施後所生處逮

一切智諸通聖慧廣濟一切以妙伎樂而施
與者後得經典樂以法樂莫不歡然若爲勢
位有忠羽翼行菩薩法猶如王者之忠臣有
人來求以自輔政即能與之由是之故後佛法
教欲坐道場於佛樹下降伏魔兵以手施人
後爲一切道法之首耳鼻施者後身具足無
一缺漏以眼施者後逮法眼爲一切首道法
之目以頭施者後所生處三世特尊獨步無
侶諸通敏慧肌肉施者後成佛道人來聽經
捨諸不善皆獲真正菩薩破骨以髓施人後得
佛道身如金剛無能動搖阿差末曰菩薩不以
色故而有所施用修政故若來求多後人求

少悉遍與之使各得足若施與時不恐不怖
不畏不懼無貪行施不懷悔恨心未曾變善
薩無輕慢施專心而與無論諂施不持惡物
無所中者以與人也菩薩布施未曾觀察某
有福祚某有罪殃無有狐疑不別好醜不中
斷絕遺漏施也何謂中斷遺施於大會中獨
與一人不與一人悉欲遍濟所以者何菩薩
所施常懷篤信不念懈倦無惱患施菩薩布
施不呼人至前目自見面乃與之也亦不思
惟某善某惡不必選求得成道者來者便與
施人之後不作是念某以得道某不得道菩
薩施與見奉戒人來受其物不以忻然見無

戒者亦無異心其所施與不望還報有所施者不求名稱使近遠聞不自咨嗟不惡誹謗菩薩施與不行煩擾不懷恨施無瞋恚施無歡喜施菩薩布施不念後世當得其福不起忿心罵詈愚施有來求者不前却彼乃施與之不輕易施不倩他人持物往與所以者何手自斟酌亦不念言值吾前施不當前者不施與之不呈礙施自用心施不卒暴施手自授之不沉吟施乍與不與菩薩不念吾所可施疲倦勞極施從來者不多不少不選擇物惡者與之好者留之若有來求如本言要未曾減損菩薩所施愍念衆生弘無偏黨欲令

受者常獲安隱若施與時則念其人是吾國
界所以者何一切皆是菩薩之道地又所施
者少不輕已多不歡喜雖布施多不自察言
我今廣施所與如法無希望故菩薩布施不
念是福當有所生受其功報所以者何施於
一切衆生蒙恩故所施人者亦不念之吾於
天上天下人中獨致尊勢其所施與普爲衆
生不以其福求慕四王釋梵之位亦復不貪
轉輪聖王不習聲聞緣覺之心菩薩施與心
不念言所施具足亦不惟少足與不足有所
施者使一切衆不離於佛諸通敏慧所施與
者常得其時無有不應不以兵杖毒藥施與

以安。施人不加。燒害菩薩。布施從佛法教。所
可惠捨。知一切空。所以然者。以爲因緣。有所
興發。由斯之故。而不可盡。所施與者。悉解無
想。爲諸想者。達其因緣。故不可盡。所可施者。
皆達無願。爲諸願者。作善因緣。由是之宜。故
不可盡。以道法意。而有所施。其心堅強。完具
甚安。無所破壞。菩薩所施。其在三界。無能逮
者。所可施與。欲令其福歸流。一切菩薩之業。
其志常建。一切智心。以是之故。爲不可盡。所
施與者。以脫諸想。摠攬衆魔。令不自在。離諸
煩惱。故不可盡。菩薩所施與衆。超異。明泥洹。
故所可施者。決衆疑心。故不可盡。所施與者。

正住佛道不懷異心所施等願故不可盡善
薩所施坐佛樹下得成正覺所施與者及無
央數不可稱計衆生之類皆荷濟度故不可
盡所可施者不可盡矣其事廣大所施與者
以得道覩無能動者無能超踰況復施者故
不可盡所施與者其心坦然如一切智故不
可盡舍利弗言善哉善哉仁者阿差末嘆菩
薩施及不可盡快哉乃尔願欲受聽菩薩禁
戒不可盡誼阿差末曰菩薩戒淨亦不可盡
有六十四事何謂六十四菩薩行仁不懷害
心加于衆生身亦不煞不取人物不犯他妻
若見菩薩及向衆生常行至誠未曾兩舌有

諍訟者常解和之終無罵詈不為惡口所以
者何常有慙恥言常護口不妄說事於一切
人不念嫉妬不興恚心向于衆生所以者何
由此能忍後世端正其心不事餘學恒
懷悅心在於佛道所以者何其心清淨無有
塵垢愛樂佛法所以者何解無異法能出上
者至心在道用慈仁故若見沙門梵志輒以
五體而自歸禮何謂為五兩手兩膝及其頭額
稽首足下所以者何因得佛道一切歸故心
常柔軟見人犯非慎己不為所不鉞戒無有
聲聞緣覺心故於諸犯戒而無所犯所以者
何後世不欲生在於漁獵愚闇家故常修精

進不爲懈怠所以者何不與邪惡共從事故
奉戒完具未曾闕漏親近智德解深法者不
違遠故篤信戒淨所奉正故慎戒如法一切
衆生皆歌嘆故其護戒禁清徹至真本心使
故行持戒要無能傳非說其瑕疵無邪心故
其戒完具不復迷惑從六衰故所奉戒行莫
不宣聞諸佛正覺之所知故戒無所求如已
樂故戒知止足無所貪故其戒純淑不雜衆
惡身意坦然無所樂故常好閑居未曾喜樂
於衆內故戒能備悉如道法訓不從他人有
所受故謹慎禁戒不以好服而爲綺飾德無
能逮誓如來願不以甘美而亂意也所以者

何以有道力制衆惡故所行如戒諸天人民
莫不悅故行慈心戒護衆生故修悲哀戒忍
衆苦故遵于護戒不懈怠故以等心戒爲一
切衆任於善惡行無二心故常察禁戒不爲損
耗不聽其心爲馳騁故戒不念惡不傳人非
護一切故堅執持戒不聽其意隨所欲故順
布施戒養育一切衆生之故爲忍辱戒不起
心故志精進戒不迴轉故禪思之戒得安定
故奉智慧戒博聽正義無厭足故修廣聞戒
學要法故隨善師戒達諸法故捨惡師戒離
衆邪學不直路故無綺身戒知諸万物皆無
常故不貪命戒其功德業如紫金故無悔恨

戒其意淨故無虛飾戒學清淨故不煩荷戒
其意鮮明無垢濁故不焦燃戒不燒身故不
迷惑戒不隨欲故不危燒戒無所害故無扞
突戒心不亂故伏心之戒意無誤故通寂靜
戒不爲俗業之所發故順真正戒智如教故
具諸願戒本清淨故如如來戒所以者何隨
本要故如佛定戒常懷等心度衆生故以一
切智入道門戒所以者何不抱恨故是爲菩
薩六十四事清淨禁戒而不可盡阿差末菩
薩復謂舍利弗言菩薩復有淨戒不自貪身
不念一切不想我人不計壽命不思名色痛
想行識不猗四大地水火風各有四大戒不

有眼色耳聲鼻香舌味身觸心法無身口心
其戒常淨是相一心而不迷荒諦觀諸法戒
以過空無相無願亦無形像過於三界不著
不縛其戒不念尔故不爲已生所以者何無
所生故所以爲戒無作不作本無所造由是
之故戒無部界止此中間亦無所止意淨爲
戒識無所住所以者何無想念故戒無所拘
所以者何無欲力故亦不住色亦不無色所
俱同塵是名曰戒離婬怒癡因遇冥脫是故
曰戒不著不斷捨十二緣是故曰戒不念我
所除我不我不住欲故是故曰戒無作不求
不住色想亦不處在一切名色是故曰戒不

隨因緣無煩無荷無我非我不與疑合是故曰
戒亦不貪福不無功德以越諸惡非法之事
所以者何愚者非法是故名曰戒無有憂惱其
身心止是故戒相奉順戒者如病得愈不斷
諸佛經典正藉法身坦然不可盡故不斷法
身所以者何無二業故一者不著二者不斷
不斷聖衆因用脫故不斷諸學所以者何順
禁戒故阿差末謂舍利弗因本清淨故不可
盡何謂俗戒謂生死處亦有盡矣所以者何
在于五趣故名曰盡所以盡者有往反故不
住一處其外神仙五通之戒世俗之智求上
長壽神足命盡所以者何戒禁盡故人戒十

善亦復有盡所以者何違捨戒故諸欲天子
戒亦有盡所以者何功德畢故諸色天子定
戒亦盡所以者何其定亂故無色天子寂戒
亦盡所以者何寂竟荒故其道迹學無學羅
漢戒亦有盡所以者何猗泥洹故其緣覺戒
亦復有盡所以者何無大哀故阿差末謂舍
利弗言唯菩薩戒獨不可盡舍利弗問以何
等故戒不可盡阿差末曰其戒盡者斯皆非
戒所以菩薩戒不可盡其心不捨一切智故
是正真戒為不斷種故不可盡何謂果實道
果無盡所言種者謂菩薩心所去果實則佛
十力至不可盡故曰菩薩戒不可盡阿差末

謂舍利弗言菩薩忍辱亦不可盡有三十二
事何謂三十二無盡不著欲者不興此念是
我妻子身皆不犯不令他犯是故忍辱亦不
可盡不念衆惡不恨一切不恚衆生不惟人
惡不與人諍不妄助人不有所繫亦不掩戲
自護身行將護衆人慎己心不隨常思善德
無愛欲意德莊嚴身信作善惡當得報應口
不妄語其心清淨菩薩心強不捨一切諦自
思計心所念耶即覺知之心和柔軟將護其
心令惡不生修清淨行生于梵天從天上下
還在人間具足德相衆好八十逮致和音猶
如梵天脫婬怒癡不以惡顏恚恨向人所作

功德未曾忘失降伏外學衆邪異術以捨衆
病不遭厄難以順具足諸佛道法是爲忍辱
悉不可盡三十二事是菩薩忍辱何謂忍辱
若罵詈身默不和之若搥捶者不念報之是
曰忍辱所以者何不見搥者不覩己身材本
空故若有瞋者亦不懷恨言若幻化其起意
來不生心逆能伏意故若念惡者心若不知
自思惟之斯人貴惡吾不宜効有稱譽者不
用悻喜所以者何不生此念得利益也降伏
心故若有衰耗不以憂感已知之故見人嘆
者不用爲綺若有誹謗不以爲動所以者何
智廣大故有恭敬者不自貢高修性安故設

禮拜者不用悅豫亦不說言卿宜當然若得
勢位不以自大所以者何心不動故愍哀衆
生雖在勤苦不以患馱在於樂處不用歡喜
曉了俗事皆無常故不以三十八事而見傾
動所以者何不處其中為人所嫉終不還報
無敢犯者假使有人節節解身悉能忍之因
欲具足菩薩業故若害身者終無異意了身
四大合成散滅何足可貪所以者何緣是忍
故當得佛身悉忍衆惱不可計難所以者何
緣是得致建立大安至道力故菩薩若在梵
志學中現身入火無所傷害欲令其人知心
清淨化于惑意使志及真因得上天其梵志

學好喜火祠菩薩所現無所不變道德超殊
莫能逮者所以者何諸梵帝釋四方天王瞽
首菩薩皆爲作禮菩薩忍辱無有邊底以是
之故曰不可盡其罵者忍不以爲恨亦不念
之誰罵我者因是寂然便入法忍不思惟之
罵吾眼耳鼻口身意若罵心乎罵所在耶則
過諸褻便逮法忍不念一切誰來罵者尋能
得入無人之忍如是忍者悉不爲忍所以者
何假有号耳諦計其忍猶山中響有解此者
入無常忍不念得我及得他人逮中和忍亦
不自念身隨法教某不任法也是名曰忍我
獨任道其餘人者不建立道不興斯念我念

空不念實念無思想不念有想念忍無餘不
念忍餘念忍無願不念有願忍無生死不有
終始忍爲可無不可忍爲有德不爲無德念
忍無生不念所生忍度於世不與世合忍爲
入道不爲無道念忍爲脫不爲無脫解忍泥
洄不爲生死菩薩忍辱不生此念所以者何
不平等故菩薩等忍爲何謂也解入空無所
斷無所著是菩薩忍亦不念生不念不生不
念化生若無化生不興念言有之與無曉了
此義至不可盡以是名曰不可盡忍悉無所
作不思當然及與不然無有現者無縛無脫
亦無所生無造起者故無所生而不可盡其

忍如斯是爲逮得無所從生法忍如計無所
從生法忍至于如來坐佛樹下入此忍者應
得受決曰不可盡說是法忍品時其在會者
咸皆讚曰善哉善哉如阿差末所說誠無有
異時十萬天悉以天華名香幢蓋供養奉散
阿差末身諸菩薩上諸天伎樂自然爲鳴以
娛樂之心各曠然懷寬弘意一切皆言令諸
衆生普悉得聞若如來忍其聞此音不恐不
懼心不在懷諸華名香幡蓋充滿遍于三千
大千佛土

阿差末菩薩經卷第二

麓獷

反下俱猛

媯害

上音遶

希望

二字音

汲汲

音急欲

憤亂

上俱妹

反也

要誓

上音邀

截

匿

反下隱也

羸劣

垂上力

功祚

故反詭譎

反上

助衙

下詐也

恭恪

反下敬也

扞突

上音底

有徒

反也

骨反

倡伎

上音昌

筯饌

上戶交反

疇匹

反上

亦真流

儔也下正合也

貪悞

反下慳

肌肉

上音

倩

借七淨也

反

酣酌

上音鈞

完

惠宜也

超踰

下羊朱

誼音

言也測猶

以下良

輒純

下全也

超踰

反越也

誼音

義

焦燃二焦然

正籍

反下才力

搯

插

上竹

委反

悸喜

心上衢季反

火祠

下音歌也

據

其去反

懼也

